

24 МАЯ: Иже во святых отец наших равноапостольных Мефодия и Кирилла, учителей Словенских.

Вечером 23 мая

Изменяемое №1

На Господи воззвах:

Стух: Изведи из темницы душу мою, исповедатися имени Твоему.

Стух: Мене ждут праведницы, дондеже воздаси мне.

Стух: Из глубины воззвах к Тебе, Господи, Господи, услыши глас мой.

Стух: Да будут уши Твои внемлюще гласу моления моего.

Стух: Аще беззакония азриши, Господи, Господи, кто постоит; яко у Тебе очищение есть.

Стух: Имене ради Твоего потерпех Тя, Господи, потерпе душа моя в слово Твое, упова душа моя на Господа.

Стух: От стражи утренния до ночи, от стражи утренния, да уповает Израиль на Господа.

Глас 2. Кийми похвальными венцы/ увязем Богомудрыя учителя,/ язъики словенския, во тьме неведения и сени смертной сидящия,/ светом Евангелия просветившия,/ Троицы Единосущныя велегласныя проповедники./ Имиже и мы, яко дивия маслина,/ к благоплодному корени Православия прицепихомся/ и прияхом от Христа Бога мир и велию милость.

Стух: Яко у Господа милость, и многое у Него избавление, и Той избавит Израиля от всех беззаконий его.

Кийми похвальными песнями/ ублажим Богомудрыя учителя,/ Мефодия пустыннолюбнаго,/ в безмолвиим пребывании плоды Духа обогатившася,/ и Кирилла златоглаголиваго,/ рачением любомудрия Горнюю премудрость стяжавшаго/ и буиих мудрецов агарянских суесловие посрамившаго./ Ихже ради Христос Бог наш/ дарова и нам велию милость.

Стух: Хвалите Господа вси язъицы, похвалите Его вси людие.

Кийми песненными добротами/ восхвалим Богомудрыя учителя,/ Мефодия, вся красная мира любве ради Христовы презревшаго/ и

во а́нгельстем о́бразе Небе́сному Царю́ крѣ́пко во́инствовавшаго,/ и Кири́лла, от о́трочества премúдрость в сож́итие себе́ избр́авшаго/ и от Бо́га да́нныя талáнты во сла́ву Его́ усугúбившаго./ Ё́миже и мы Присносу́щную Трóицу, Отца́ и Сы́на и Свята́го Ду́ха,/ Еди́наго Бо́га позна́вше,/ ё́мамы от Христа́ Бо́га ве́лию мѝлость.

Стúх: Я́ко утверди́ся мѝлость Его́ на нас, и и́стина Господня пребывáет во вѣк.

Кѝими духо́вными пѣ́снями/ возвел́чим вас,/ о преблаже́ннии учѝтелие,/ спасѣ́ния ра́ди люде́й словѣ́нских апóстольски подви́завшиися,/ и в просвещѣ́нии их свѣ́том Боговѣ́дения до́бре потрудѝвшиися,/ к нему́же дверь затворѣ́нная/ ва́ми писме́н словѣ́нских изобре́тением отве́рзеса нам?/ В ню́же входя́ще,/ та́инство благовѣ́стия Христо́ва разуме́аем/ и приѣ́млем от Христа́ Бо́га мир и ве́лию мѝлость.

Сла́ва, глас 6: Апóстолом еди́нонравны́я,/ иерáрхов удобре́ние,/ язýков словѣ́нских просветѝтели и те́плыя заступ́ники,/ приидѝте, празднолю́бцы,/ похва́льными пѣ́нии воспой́м, глаго́люще:/ ра́дуйся, Кири́лле, Богослóвия трубо́ златоковáнная,/ та́инство Святы́я Трóицы подо́бием со́лнечным уясни́вый/ и тем злохúльная уста́ агáрянская заградѝвый;/ ра́дуйся и ты с ним, Мефóдие, еди́номудренно подви́завыйся,/ моли́твами и зна́мении то́му споспешеству́я;/ и ны́не, отцы́ всеблаже́ннии,/ не престáйте моля́щися о нас Христу́ Бо́гу,/ ве́рою и любóвию вас велича́ющих.

И ны́не, прáздника. <далее см. основно́й Чин>

[Измѣняемое №2](#)

[Прокѝмен после «Свѣте тѝхий»:](#) См. *Прокимен дня* <далее см. основно́й Чин>

[Измѣняемое №3](#)

Паримѝи:

Прѝтчей чтѣ́ние (главы́ 10 и 8):

Па́мь пра́веднаго с похвалáми,/ и благословѣ́ние Господне на главѣ́ его́./ Блаже́н человек, и́же обрѣ́те премúдрость,/ и смѣ́ртен, и́же увѣ́де ра́зум./ Лúчше бо сию́ купова́ти, неже́ли злáта и сребра́ сокрови́ща./ Честне́йшая же е́сть ка́мений многоце́нных,/ все же честно́е недостóйно ея́ е́сть./ Долготá бо дней и лѣ́та живота́ в десни́це ея́,/ в шу́йце же ея́ богáтство и сла́ва,/ от уст ея́ исхо́дит пра́вда,/ закóн же и мѝлость на язýце но́сит./ Послу́шайте у́бо мене́,

о ча́да!/
Честна́я бо реку́,/
и блаже́н челове́к, и́же пути́ моя́ сохра́нит,
исхо́ди бо мои́ исхо́ди живото́а/
и уготовля́ется хоте́ние от Го́спода./
Сего́ ра́ди молю́ вас/
и предлагаю́ мой глас сыно́вом челове́ческим,/
я́ко аз, премудро́сть, устро́их сове́т,/
и ра́зум, и смы́сл аз призва́х./
Мой сове́т и утвержде́ние,/
мой ра́зум, моя́ же кре́пость./
Аз мене́ лю́бящия лю́блю,/
и́щущии же мене́ обря́щут благода́ть./
Разуме́йте убо, незло́биви́и, кова́рство,/
ненака́заннии же, прилагáйте серде́ца./
Послу́шайте мене́ и па́ки,/
честна́я бо реку́, и отве́рзу от усте́н пра́вая,/
я́ко и́стине поучи́тся горта́нь моя́,/
ме́рзки же предо мно́ю устны́ лжи́выя./
С пра́вдою вси глаго́лы уст мои́х,/
ничто́же в них стро́потно,
ниже́ развра́щенно./
Вся пра́ва суть разумева́ющим/
и про́ста обрета́ющим ра́зум./
Науча́ю бо вас и́стине,/
да бу́дет о Го́споде наде́жда ва́ша,/
и испо́лнитеся Ду́ха.

Притчей чтение (главы 10 и 11):

Уста́ пра́веднаго ка́плют премудро́сть,/
язы́к же непра́веднаго поги́бнет./
Устне́ муже́й пра́ведных ка́плют благода́ти,/
уста́ же нечестивы́х развра́щаются./
Ме́рила льсти́вая ме́рзость пред Го́сподем,/
вес же пра́веден прия́тен Ему́./
Иде́же а́ще вни́дет досаждéние,
та́мо и безче́стие,/
уста́ же смире́нных поуча́ются премудро́сти./
Соверше́ние пра́вых наста́вит их,/
и поползнове́ние отрица́ющихся упасе́т их./
Не по́льзуют и́мения в день я́рости,/
пра́вда же изба́вит от сме́рти./
Умер пра́ведный, оста́ви раская́ние,/
нару́чна же бывáет и посмея́тельна нечестивы́х па́губа./
Пра́вда непоро́чнаго исправля́ет пути́,/
в нече́стие же па́дает непра́вда./
Пра́вда муже́й пра́вых изба́вит их,/
безсове́тием же пленя́ются беззако́ннии./
Сконча́вшуся му́жу пра́ведну,/
не поги́бнет наде́жда,/
похвала́ же нечестивы́х поги́бнет./
Пра́ведник от ло́ва убе́гнет,/
в него́же ме́сто преда́ется нечестивы́й./
Во усте́х нечестивы́х сеть гра́жданом,/
чу́ство же пра́ведных благоспе́шное./
Во благих пра́ведных испра́вится град,/
и в поги́бели нечестивы́х ра́дование./
Во благослове́нии пра́вых возвы́сится град,/
усты́ же нечестивы́х раскопа́ется./
Ругáется гра́жданом лише́нный ра́зума,/
муж же му́дрый безмо́лвие во́дит.

Премудрости Соломо́ни чтение (глава 4):

Праведник аще постигнет скончатися, в покои будет./ Старость бо честна не многолетна,/ ниже в числе лет исчитается./ Седина же есть мудрость человеком,/ и возраст старости житие нескверное./ Благоугоден Богов и быв, возлюблен бысть/ и живый посреде грешник преставлен бысть,/ восхищен бысть, да не злоба изменит разума его/ или леть прельстит душу его./ Рачение бо злобы помрачает добрая/ и парение похоти пременяет ум незлобив./ Скончався в мале, исполни лета долга,/ угодна бо бе Господеви душа его,/ сего ради потщася от среды лукавствия./ Люди же видевше, и не разумевше,/ ниже положше в помышлении таковое,/ яко благодать и милость в преподобных Его,/ и посещение во избранных Его.

<далее см. основной Чин>

Изменяемое №4

Лития:

Слава, глас 8: Яко учителя неложнии,/ повеленная Господем сами прежде сотворше/ и в благодати апостольства просиявше,/ люди словенския наказанными к благочестию приведосте,/ Кирилле и Мефодие Богомудрии,/ неверныя же паки вразумисте/ к познанию веры Православныя/ и Крещением святым просветисте./ Но убо первии наставницы рода словенскаго/ и заповедей Божиих хранителие,/ спасайте нас молитвами вашими,/ верую и любовьию вас в помощь призывающих.

И ныне, праздника. <далее см. основной Чин>

Изменяемое №5

По полиелееи седален глас 4:

Приидите, просветители наша велегласно хвалами почтим:/ тии бо языки словенския, гланием слова Божия погибавшия,/ манною учения Богомудраго напитаста/ и преложением Благовестия сына Громова на среднюю им беседу,/ яко лучею солнечною, просветиста,/ от неяже и мы озарение приемше, благодарственно воззовем:/ радуйтсся, Кирилле и Мефодие приснославнии.

Слава, и ныне, праздника.

Изменяемое №6

Степенна, 1-й антифон 4-го гласа.

Прокімен глас 4: Священницы Твой облекутся в правду,/ и преподобнии Твой возрадуются. *Стих:* Услышите сия, вси языцы, внушите, вси, живущии по вселенней.

<далее см. основной Чин>

Изменяемое №7

По 50-м псалме стихира глас 6:

Апостолом единокравныя,/ иерархов удобрение,/ языков словенских просветители и теплыя заступники,/ приидите, празднлюбцы,/ похвальными пениями воспойм, глаголюще:/ радуйся, Кирилле, Богословия трубъ златокованная,/ таинство Святыя Троицы подобием солнечным уяснивый/ и тем злохульная уста агарянская заградивый;/ радуйся и ты с ним, Мефодие, единокоренно подвижавыйся,/ молитвами и знамении тому споспешествуя;/ и ныне, отцы всеблаженнии,/ не престайте молящися о нас Христу Богу,/ верою и любовью вас величающих.

Ина стихира: Излияся благодать во устнах ваших,/ преподобнии отцы,/ и бысте пастырие Христова Церкви,/ учаще словесныя овцы/ веровати в Троицу Единосущную/ во Едином Божестве.

<далее см. основной Чин>

Изменяемое №8

Канон святых глас 3.

Песнь 1

Ирмос: Воды древле манием Божественным/ во едино сонмище совокупивый/ и разделивши море израильтеским людем,/ Сей Бог наш препрославлен есть,/ Тому Единому поим, яко прославися.

Воды мятежа мирскаго преити недоумевая, преподобне Мефодие,/ оставил еси вся красная мира сего/ и, во ангельском образе на невидимыя враги воинствуя,/ Богу единому поработал еси, радостно воспевая:/ Тому единому поим, яко прославися.

Избранный сосуд от пелен показался еси, Кирилле блаженне,/ юношеских шатаний чужд явився и Мудрость Божественную возлюбив,/ темже Святыя Православныя Церкви учением просвещен,/ и сам многим учитель и просветитель был еси.

Водами учений ваших оросившася,/ словенския страны даже доднесь Владыце Христу плоды благоприятны приносят./ Сего ради

ублажаёт вас Свята́я Це́рковь, зову́щи:/ от бед изба́вите нас, уго́дницы Христо́вы.

Богоро́дичен: Во́ды грехо́вныя внидо́ша до душі́ моея́, Влады́чице,/ и в тимéнии страсте́й углебо́х,/ к Тебе́ прибега́ю, Всенепоро́чная,/ нечи́стых помышле́ний волне́ние утиши́/ и ми́рное устро́ение ми да́руй.

Песнь 3

Ирмо́с: *Иже от несущих вся приведый,/ словом созида́емая,/ соверша́емая Ду́хом,/ Вседержи́телю Вы́шний,/ в любви́ Твое́й утверди́ мене́.*

Глаго́л Госпо́день, яко – иже по Мне ити́ хо́щет, да во́змет крест свой, –/ слухом се́рдца твоего́ услы́шав, преподо́бне Мефо́дие,/ крест ино́ческаго жити́я возложив на ра́мо твое́, последовал еси́ Христу́,/ Его́же моли́, да и мене́, хла́днаго, в любви́ Своёй утверди́т.

Иже дре́вле Иа́кову в со́ннем видéнии ле́стницу, к небеси́ возводя́щую, пока́зала,/ Той и тебе́, свя́те Кири́лле, ещё́ о́троку су́щу, в дивнем сне Софи́ю де́ву обручи́:/ се же бысть Престо́лу Его́ приседа́ющая Прему́дрость,/ Яже в любви́ Всевы́шняго утверди́ тя.

Иже от не су́щих вся Приве́дый, и вас, отцы́ досточу́днии,/ от чре́ва ма́терия освя́ти в сосу́ды избра́нная Себе́,/ во е́же пронести́ И́мя Его́ пред язы́ки;/ те́мже честну́ю па́мять ва́шу соверша́юще, мо́лим вас, Кири́лле и Мефо́дие,/ вла́ющийся ум наш во испове́дании пра́выя ве́ры утверди́ти.

Богоро́дичен: Яже ми́рови мир пода́вшая/ и Нача́льника тишины́ ро́ждшая,/ укроти́ во́лны страсте́й мо́их, Чи́стая,/ и на ка́мени мя безстра́стия утверди́.

Святы́м седа́лен, глас 4: Уподобил еси́ со́лнцу Трои́цу Святу́ю Единосу́щную, Кири́лле Богодухнове́нне,/ во о́браз Святы́я Трои́цы зримо́му на небеси́ со́лнцу созда́ну бы́ти, глаго́ля:/ подо́бие Бо́га Отца́ со́лнечный круг есть,/ не имы́й конца́, ни нача́ла,/ и, якоже от кру́га со́лнечна исхо́дит луча́ све́та, поднебе́сную просвеща́ющая,/ си́це от Бо́га Отца́ ражда́ется Сын, О́тчее сия́ние,/ теплотá же, вселе́нную оживля́ющая,/ от того́жде кру́га кúпно с луче́ю

излива́емая,/ подобие есть Духа Свята́го,/ от Того́жде Отца́
исходя́щаго./ Дивному учению́ твоему́ внёмлюще,/ и мы в Трои́це
Еди́ному Бо́гу поклоня́емся,/ па́мять же твою́ ублажа́ем, досточу́дне.

Сла́ва, и ны́не, пра́здника.

Песнь 4

Ирмо́с: Положи́л еси́ к нам твёрдую́ любóвь, Го́споди:/ Единоро́днаго бо Твоего́
Сы́на/ за ны́на смерть дал еси́./ Те́мже Ти зове́м, благода́ряще:/ сла́ва си́ле Твое́й,
Го́споди.

Положи́л еси́ хране́ние за́поведей, я́ко ка́мень краеуго́лен,/ на
не́мже созида́я хра́мину души́ твоея́, преподо́бне Мефо́дие,/ Духа
Свята́го селение́ сотвори́л ю еси́;/ аз же, селение́ греха́ сый, к тебе́
припа́даю, всеблаже́нне,/ очисти́ мя росóю моли́тв твои́х, да зову́,
благода́ря:/ сла́ва си́ле Твое́й, Го́споди.

Даждь ми, да разуме́ю, что есть уго́дно Тебе́, Влады́ко, –/ взыва́л
еси́, блаже́нне Кири́лле,/ егда́ со ю́ным царём в науче́ние кни́жное
вдан был еси́./ Сего́ ра́ди, купно со внешне́м любомудрием,/ Духа
прему́дрости и стра́ха Бо́жия свы́ше прия́л еси́,/ земну́ю же му́дрость
ни во что́же вмени́л еси́, зовы́й:/ сла́ва си́ле Твое́й, Го́споди.

Положи́л еси́ любóвь к Зижди́телю твоему́, я́ко печа́ть, на се́рдце
твоём, всеблаже́нне./ Сего́ ра́ди земну́ю обру́чницу и сла́ву ми́ра
сего́ отрёнул еси́, Кири́лле,/ и, я́ко пти́ца, от се́ти ловя́щих бе́гая,/ в
ти́хое пристáнище ино́чествующих дости́гл еси́/ и в ри́зу ра́дования
обле́клся еси́, воспева́я со Мефо́дием:/ сла́ва си́ле Твое́й, Го́споди.

Богоро́дичен: Положи́в беззако́ния и неправды́ моя́ предо мно́ю,/
ви́жду, я́ко па́че песка́ морска́го умно́жишася./ К Тебе́ прибега́ю,
Всенепо́рочная,/ стру́пы души́ моея́ исцели́,/ да зову́ к Ро́ждшемуся
от Тебе́, благода́ря:/ сла́ва си́ле Твое́й, Го́споди.

Песнь 5

Ирмо́с: Я́ко ви́де Иса́ия обра́зно/ на Престо́ле превознесе́на Бо́га,/ от А́нгел
сла́вы дорино́сима,/ о, окая́нный, – вопия́ше, – аз!/ Прови́дех бо воплоща́ема Бо́га,
Све́та Невече́рняя,/ и ми́ром Влады́чествующа.

Я́ко крин благоуха́нный, в пусты́ни процвёл еси́, преподо́бне
Мефо́дие,/ моли́твами, бде́нием и поще́нием ду́шу твою́ украша́я,/ и,

на земли равноангельно пожив,/ ныне со Ангелы светло созерцаеши
Света Невечерна/ и миром Владычествующа.

От Ангел славы дориносимому моляся в пустыни, Кирилле,/
нуждею в Царствующий град возвращен был еси/ и саном
священства украсился еси,/ да путь спасения человеком покажешь,/
светом учения просвещая и Безкровную Жертву о всех принося
Свету Невечернему/ и миром Владычествующу.

Яко кладязь премудрости неисчерпаемый, явился еси, Богоносе
Кирилле,/ егда в сарацены на препрание хулящих Пресвятую
Троицу от царя послан был еси:/ не возмогша бо мутными водами
злочения потопити тя,/ Светом Невечерним свыше озаряема.

Богородичен: Яко древо неплодное, сый,/ како не ужасаюся грозного
посечения, о окаянный аз!/ Скоро притецы ко Богоблагодатней,
душе моя:/ аще бо не Она заступит тя,/ узрети не имаши Света
Невечерна и миром Владычествующа.

Песнь 6

Ирмос: Бездна последняя грехов обиде мя,/ и исчезает дух мой;/ но прострый,
Владыко, высокую Твою мышцу,/ яко Петра, мя, Управителю, спаси.

Се, яко пучина морская, естество Божие есть,/ непостижимое умом
и неизреченное глаголы, –/ рекл еси ко агаряном, премудре Кирилле,
–/ тую бо пучину кроме святого Евангелия преплыти хотящий
потопляются, не вѣдуще пѣти:/ яко Петра ны, Управителю, спаси.

В бездне разума лжеименного углубши агаряне/ тайно яд
смертный предложаша тебе;/ рекий же во Евангелии Христос:/ яко
аще что смертно испиете, не вредит вы, –/ соблюде тя цѣла и с
честью в Царствующий град возврати./ Ты же, царем и патриархом
достойно ублажаемь,/ не превознеслся еси и зывати не престал
еси:/ яко Петра мя, Управителю, спаси.

Древле рекий Божественный Дух:/ отделите Ми Варнаву и Савла
на дело, на неже призвах их;/ подобне и вас, отцы преподобнии,/ в
словенския страны послати повеле,/ и тако людие, во тьме и сени
смертней сидящи,/ светом учения вашего просветившися,
возваша:/ яко Петра ны, Управителю, спасл еси.

Богорóдичен: Бѣздна послѣдняя грехóв обыде мя,/ и, трѣпетом одержимъ есмь, ужасаяся всеконѣчнаго потоплѣния./ Тѣмже мольбу́ приношú Ти, Пренепорóчная:/ помилуй стра́стную мою́ дúшу,/ простри́ рúку Твою́, яко Благáя,/ и, яко Петра́ спасе́ Сын Твой,/ та́ко мя, Упрáвительнице, спаси́.

Кондáк, глас 3: Священную двóицу просветителей нáших почтím,/ Божѣственныхъ писáний преложѣнием истóчник Богопознáния нам источивших,/ из негóже дáже доднесь неоскúдно почерпáюще,/ ублажáем вас, Кирилле и Мефóдие,/ Престо́лу Вышняго предстоящих/ и тѣпле молящихся о душáх нáших.

И́кос: В добродѣтели просиявшия проповѣдники благочѣстия,/ истинныя столпы́ и основáния Цѣркве,/ трубы́ Божѣственныя Христóвых догмáтов,/ Богонóсныя отцы́ Мефóдия и Кирилла, приидите, вѣрнии, восхва́лим:/ тii бо, мрак невѣрия от нас отгна́вше/ и е́реси нечѣстия огнѣм Дúха попáливше,/ преложѣнием писáний род словѣнский из дíвья мáслины в благоплóдную пременíша,/ и Божѣственным Крещѣнием в вѣру Христóву приведóша,/ и вселѣнную всю мно́жеством чудес испóлниша./ Тогó рáди днесь áки венценóсцы предстоят Вседержителю Бóгу, к нímже возопийм:/ отцы́ Божѣственнии и равноапóстольный,/ предстáтельством вáшим дáруйте всем племенóм словѣнским в правовѣрии твѣрдость и единомýслие,/ тѣпле молящеся о душáх нáших.

Песнь 7

Ирмóс: Прѣжде образу златóму, персúдскому чтíлищу,/ óтроцы не поклонíшася,/ три́е поюще посреде́ пѣщи:/ отцѣв Бóже, благословѣн еси́.

Прѣжде едiн со Едiным пребывáя,/ дúшу твою́, яко рай богонасажденный, сотворил еси́, Мефóдие,/ та́же на прóповедь апóстольскую кúпно с Богомúдным Кириллом шед,/ во странахъ словѣнских потрудíлся еси́,/ идѣже, яко óтроцы, огнѣм нечѣстия неопалáеми, воспева́ете:/ отцѣв Бóже, благословѣн еси́.

Иудеи и сарацыны препрел еси, премудре Кирилле,/ и страну Хазарскую святым Крещением просветил еси, узников множество свободяя,/ и в пустыни безводней воду сланую в сладкую преложил еси./ Людие же, спасеннии тобою, воспеваху:/ отцев Боже, благословен еси.

Сосуди избраннии бысте, отцы преподобнии, пронести Имя Господне пред языки,/ сего ради и нын страны словенския возжелеша светом учения вашего озаритися./ Вы же предсудите сладость безмолвия на труд апостольский пременить,/ да множайши Христу приобрящете и купно с ними воспоете:/ отцев Боже, благословен еси.

Богородичен: Сосуд полн страстей есмь, Пресвятая Богородице Дево,/ и смерти оныя последняя и огненнаго прещения страшуся./ Но Ты, Пречистая, спаси мя, погибающего,/ крепостию препояши дух мой,/ да пленницы греховныя расторг, благодарственно воспою:/ Избавителя плененных рождающая, благословена еси.

Песнь 8

Ирмос: Вещественнаго огня пламень/ невещественным увядиша Богозрими отроцы, и пояху:/ благословите, вся дела Господня, Господа.

Невещественным светом благодати вину озаряемь,/ приял еси сан священства, блаженне Кирилле,/ и споспешествующу тебе Духу Святому, писмена словенская изобрел еси,/ да богодухновенных книг на сродную им беседу преложением людие просветившеея, воспоют:/ благословите, вся дела Господня, Господа.

Первое сына Громова неземныя глаголы: в начале бе Слово, –/ яко веры наша главизну возгремили есте, отцы всехвальнии./ Темже псалтирь сладкогласную на глаголы словенския преложили есте,/ еюже и ныне святая Церковь, веселящися, взывает:/ благословите, вся дела Господня, Господа.

Невещественным сокровищем обогатите нас, отцы досточуднии:/ Божественная бо Литургия на языке словенstem начатся от вас совершатися./ Сея благодати и мы доднесь причастицы суще,

воспеваем Бóга, глаголюще:/ благословіте, вся дела Господня, Господа.

Богородичен: Огнь искушений и напастей злых обиде мя,/ к Тебѣ прибегаю, Богородице Дѣво:/ не презри, Чистая, молений раба Твоего,/ от одержавших мя лютых избави,/ да, благословляя, благословлю Тя и превознесу имя Твое во веки.

Пѣснь Богородицы: Величит душа моя Господа: <см. основной Чин>

Песнь 9

Ирмос: Тебѣ, неопалимую купину и Святую Дѣву,/ Матерь Света и Богородицу,/ надежду всех нас, величаем.

Тебѣ по достоянию восхвалити кто возмóжет, Мефодие всеславне?/ Подвиги и труды твои,/ яже апостольски спасения ради людей заблуждших подъял еси, Кирилле, кто изочтѣт?/ Паче же мы, вами славити Бóга Вышняго на срóдном нам языке научившеся,/ единомóдренно и вас с Ним величаем.

Тебѣ, Кирилле блаженне, яко уже дело совершившу и течение скончавшу,/ бысть извещение свыше о кончине твоей,/ еже приим, радостно воспѣл еси:/ о рекших мне, внидем во дворы Господни, возвеселися дух мой./ Также вожделев, в Горняя душею вознеслся еси,/ идеже с Небесными силами Троицу Единосущную вину величаеши.

Церкве Моравския епископство прием, преподобне Мефодие,/ многия труды и подвиги, веру святую возвещая, подъял еси,/ многия беды и изгнания претерпел еси,/ ныне же купно со святым Кириллом в Вышних радуящеся, молитесь о нас,/ да мы яко заступники и ходатаи наша вину вас величаем.

Богородичен: Превышшая Ангел и Херувим честнейшая,/ представительством святых Кирилла и Мефодия, на наше смирение умиосердися, молим Ти ся,/ из глубины греховныя возведи и вечнаго осуждения нас избави,/ да купно с ними Тебѣ, Матерь Света и Богородицу, надежду всех нас, величаем.

<далее см. основной Чин>

Изменяемое №9

Светилен:

Учители святїи,/ пáмьятъ вáшу свѣтло прáзднующе,/ мóлим вас всеусѣрдно:/ язýки, їхже сокрóвищем благовѣстїя обогатїсте,/ на кáмени исповѣдания Христóва утвердїте,/ и соблюдїте в мїре живóт наш.

Слáва, и ныне, прáздника. <далее см. основной Чин>

[Изменяемое №10](#)

На стихóвне стихїры глас 8:

Свѣтлостїю житїя вáшего,/ учїтелие равноапóстольный,/ я́ко звѣзды небѣсныя, на твѣрди церкóвней просїяли естé/ и, мрѣжею учéний вáших мнóгия язýки Христú уловївше,/ ко Свѣту Непрїстúпну востеклї естé,/ идéже со Áнгелы ныне водворяющесе,/ мольбú сотворїте о нас,/ священную пáмьятъ вáшу о Гóсподе прáзднующих.

Стих: Священницы Твои облеку́тся в правду,/ и преподóбнии Твои возра́дуются.

Приидїте, о прáзднолю́бцы,/ возвелїчим учїтели,/ апóстолом равнопрестóльныя и словén славу:/ їми бо от прѣлести бесóвскїя свободївшеся,/ свет благовѣстїя Христóва прїяхом/ и позна́хом Предвѣчное Сло́во,/ от мра́ка грехóвнаго избáвльшеся.

Стих: Уста́ праведнаго поучáтсѧ премúдрости/ и язýк егó возглагóлет суд.

Кирилле Богомúдре и Мефóдие Боголю́бїве,/ Цѣркве словénскїя апóстоли и первоучїтели/ и вѣрных застúпницы,/ благочѣстїя ревнїтели,/ Дúха Святáго оргáни сладкогласнїи,/ ныне вѣлие дерзновѣние у Христá Пастыреначáльника имúще,/ молїтесе о нас, честнúю пáмьятъ вáшу соверша́ющих,/ да возведѣт от тли живóт наш, я́ко Многомїлостив.

Слáва: Рáдуйся, двóице священная,/ свѣтом Богопознáния нас озарївшая:/ Кирилле, духóвныя мúдрости истóчниче живонóсный,/ язýки словénскїя, жáждею истаявáющїя, напоївый,/ Мефóдие, молїтвы чїстое обитáлище./ Христú, Емúже во слáве предстоитé,/ молїтесе прилѣжно,/ да кúпно с вáми Егó велича́ем/ и превозно́сим во вся вѣки.

И ныне, прáздника. <далее см. основной Чин>

Утром 24 мая

[Изменяемое №11](#)

По 1-м стихословии седальны глас 3:

Тро́ице Живонача́льней, Ю́же немóлчно славослóвят а́нгельския
си́лы/ и Ю́же велегла́сно во язы́цах проповéдаете,/ ны́не во Свéте
непристúпнем предстоя́ще, моли́тесь приле́жно, Кири́лле и
Мефо́дие,/ долго́в разрешéние дарова́ти и вéчнаго осуждéния
изба́вити/ любóвию па́мь ва́шу почита́ющия.

Сла́ва, и ны́не, Богоро́дичен: <далее см. основной Чин>

Изменяемое №12

По 2-м стихословии седальны глас 5:

Да ра́дуются днесь ро́ди словéнстии,/ священную па́мь учи́телей
Богому́рых свéтло пра́зднующе:/ те́ми бо начáтся на срóдном нам
язы́це словéнстем литурги́я Божéственная/ и все церкóвное
служéние соверша́тися,/ и тем неисчерпа́емый кла́дязь водо́и,
теку́щая в жизнь вéчную, даде́ся нам/ от нея́же пию́ще, не престáнем
велича́ти вас, Кири́лле и Мефо́дие./ Вы же, во сла́ве святы́х
веселя́щеся,/ моли́тесь приле́жно спасти́ся душáм нáшим.

Сла́ва, и ны́не, Богоро́дичен: <далее см. основной Чин>

Изменяемое №13

Тропа́рь глас 4:

Я́ко апо́столом еди́нонра́внии/ и словéнских стран учи́телие,/
Кири́лле и Мефо́дие Богому́дрии,/ Влады́ку всех моли́те,/ вся язы́ки
словéнския утверди́ти в Правосла́вии и еди́номы́слии,/ умири́ти
мир/ и спасти́ ду́ши нáша.

<далее см. основной Чин>

Изменяемое №14

На хвалíteх стихи́ры:

Стíх: Сотвори́ти в них суд напíсан./ Сла́ва сия́ бúdeт всем преподо́бным Егó.

Стíх: Хвалíte Бóга во святы́х Егó,/ хвалíte Егó во утвержéнии си́лы Егó.

Стíх: Хвалíte Егó на си́лах Егó,/ хвалíte Егó по мно́жеству вели́чества Егó.

Глас 4. Кири́лле и Мефо́дие Богому́дрии,/ апо́стольским стопа́м
последую́ще,/ ко взыска́нию люде́й заблúждших еди́ному́дренно
подви́гшеся,/ я́ко орли́ скоропаря́щи, страны́ словéнския облетéли
естé,/ я́же свéтом богопозна́ния озари́вше,/ приве́дóсте ко Иису́су
Человеколю́бцу/ и Спа́су душ нáших.

Стíх: Хвалíte Егó во гла́се тру́бнем,/ хвалíte Егó во псалти́ри и гýслех.

Кирилле и Мефодие Богомудрии,/ апостольским стопам
последующе,/ ко взысканию людей заблуждших единомудренно
подвигшеся,/ яко орли скоропарящи, страны словенския облетели
есте,/ яже светом богопознания озаривше,/ приведоште ко Иисусу
Человеколюбцу/ и Спасу душ наших.

Стіх: Хваліте Егó в тимпане и ліце,/ хваліте Егó во струнах и орга́не.

Винограда Христова делателие,/ благочестия насадители,/ люди
словенския, яко драхму погибшую,/ со тщанием взыскавшее обрели
есте, Богоснии отцы,/ юже в сокровищницу жизни вечныя прият,/
радуяся, со Ангелы Иисус Человеколюбец,/ и Спас душ наших.

Стіх: Хваліте Егó в кимва́лех доброгласных, хваліте Егó в кимва́лех
воскли́цания./ Всякое дыха́ние да хва́лит Го́спода.

Святыя Троицы поборницы/ и заблуждших наставницы,/
злохуление агарянское препревши/ и нечестие иудейское
посрамивши,/ Церковь, юже стяжали есте/ богоугодными труды и
поты вашими,/ сохраните потщитесь от наветов вражиих
невреждену/ и благоприятну Иисусу Человеколюбцу/ и Спасу душ
наших.

Слава, глас 6: Просветителей наших благочестно память
совершающе,/ людие, благодарственно возопийм:/ радуйтесь,
светильницы пресветлии,/ светом Богопознания страны словенския
озаривши,/ радуйтесь, пастырие добрии,/ словесныя овцы, в
дебрех неверия разсеянные,/ во едино собравши/ и к
Пастыреначальнику Христу приведши./ Егóже величающе, вас
ублажаем.

И ныне, Богородичен: <см. основной Чин>

Изменяемое №15

Кондак глас 3:

Священную двоицу просветителей наших почтим,/ Божественных
писаний преложением источник Богопознания нам источивших,/ из
негоже даже доднесь неоскудно почерпающе,/ ублажаем вас,
Кирилле и Мефодие,/ Престолу Вышняго предстоящих/ и тепле
молящихся о душах наших.

<далее см. основной Чин>

На Литургии

Изменяемое №20

Прокимен, *глас 7*: Честна́ пред Го́сподем/ смерть преподо́бных Егó.

Стих: Что возда́м Госпо́деви о всех, яже воздаде́ ми?

Изменяемое №21

Аллилу́я, *глас 2*: Свяще́нницы Твои́ облеку́тся в пра́вду, и преподо́бнии Твои́ возра́дуются.